

Balthasar Hubmor D. zu Fridberg.



BALTHASAR HVB MOR DOCTOR VON FRIDBERG.

Dem es ist noch in Teutslant gewest ein sehr gelehrter Man / der sehr beredt war vmb seine sachen ans liecht zu bringen / midt nhamen Balthasar Hubmor von Fridberg / er ist der dzit gewest der den Wiedertauff in Teutslant hatt auffgericht vnd gepredigt / er ist gewest ein Prediger in vnser lieben Frauen Kirchen zu Ingolstatt / hernacher zu Regensburg gehummen / da er bestich wieder der Juden wucher hatt gepredigt / das sie von dannen midt grosser muhe vnd arbeit seint vertrieben / vnd da selbst der schone Maria die grosse walhart auffgericht. Endlich hatt er noch mehr im der Tauffer orden zugenommen / vnnnd zu Zurich vnnnd Basel viel vnfalls gesucht / vnd seine lehre sehr starck getrieben / bis ein erbare Rait zu Zurich ein einsehens hie innen thatt / ordinierten einen tag vmb diese Secte zu wieder stehen / welcher ist gewest den 17 Januarij 1526. In welchen verordneten tag vnd disputatie / in presentie eines erbaren Raitis / vnd gemene Burgerle / erscheinen ist der wolgelerter Herr Huldricus Zualius / midt erliche andere Lerars / vnd nach viel vnterhandlung in drien tagen gescheen / ist Balthasar Hubmor der massen vberwonden midt offenbare disputation / das er von seiner mehenung muste abstecken / wieder rufft / vnd fur falsch bekant. Seine articulen die er zu Zurich / Waldhut / vnd auff mehr andere platzen gelernt / vnnnd hernacher wieder ruffen hatt / seind diese / er bekante den Wiedertauff so er gelernt / falsch zu sein / vnd menschen einsatzung. Item der geist ist nach vnd fur dem falle auffrecht geblieben / vnd nummer in sunden bewilligt / der halben hadt er seine freyheit nicht verlozen / sondern das vleisch allein / wie woll er als ein gefangener midt muste essen von den apfel / wie woll nicht midt lust / des halben mag er noch wellen guts thun / das vleisch zemmen vnd den vberhandt nehmen. Wie woll nun Balthasar seine wiederruffung hatt gethan / vnd dar durch viel menschen gebessert sein / ist nochtans dieser Sect nicht gar gedempft / sondern in Zwitterlandt seer ahn gestochen. Vnnnd nach dem er viel ahnstos vnnnd gefahr aufgestanden / ist er gefangen worden / vnnnd nach Wien in Osterreich gefuret / vnd nach langweiger gefantwisch vnd exanimierung / ist er aus befehl Ferdinandi / durch die Justitie zu pulver verbrant / vnnnd sein hausscam ist vertruncken worden / vnd haben alle beyde ihzen glauben bekant / da bey volherdich geblieben bis in ihzen ende.

